

Flash Notes

Microbiology | Volume 2 Chapter 25

Mycology

النهارده هنخلص volume 2 وهندعى مع بعض الدعاء الختامى بتاعه ان ربنا ان شاء الله ينفعنا بيه ويذكرنا منه ما نسينا ويعلمنا منه ما جهلنا ونحفظه عند الله وهو خير الحافظين ليرده الينا وقت الحاجة اليه.

الشابتر ده مش بكتريا شابتر 25 ده علم الفطريات mycology المقطع myco مجاى من mycolic acid علشان عندهم fatty acids كتير طب أول الفطريات هنلاقى جدول فيه الفروق بين الـ fungus و bacteria والجدول ده جديد فى الكتاب مين يفكر فرق مهم بين الـ fungus و bacteria عرفناه فى أول مرة التقينا ؟

Comparison of fungi and Bacteria

البكتريا ← prokaryote

والـ fungus ← eukaryote (eu) يعنى true و karyote يعنى nucleus

يعنى فى المقارنه بينهم فى الـ nucleus ده eukaryote وده prokaryote وانت المفروض تكون فاهم المعنى بتاع eukaryote يعنى the nucleus surrounded by nuclear membrane لكن ده مجرد single chromosome suspended in cytoplasm without nuclear membrane كلام قلناه زمان ما الذى

ترتب على كونه eukaryote ؟

بقى larger وعنده mitochondria والـ cell membrane فيه sterols البكتريا ← smaller ومغيث mitochondria والـ cell membrane معمول من peptidoglycan. كل ده فروق مش جديدة علينا بس الجديد بقى ان:

الـ peptidoglycan فى حالة الـ cell wall بتاع البكتريا مستبدل فى حالة الـ fungus بـ chitin نوع اخر من البروتين.

فى بكتريا بتعمل spores وعرفناها فى شابتر 7 ← الـ bacillus anthracis والـ clostridium

الـ spores فى حياة البكتريا تساوي ← نوع من انواع الـ protection للـ survival علشان تتخطى الـ unfavourable conditions

لكن الـ spore فى حياة الـ fungus ← هو نوع من الـ "replication" reproduction بمعنى ان احنا هنشوف دلوقتى نوع من الـ fungus اسمه filamentous fungus يعنى بشكل خيوط ده بيتتهى فى اخره بكيس اسمه sporangium وجواه بيتكون spores وبعدين الكيس ده بـ rupture والـ spores تتناثر فى الجو والـ soil لكل spore بـ grow بشكل filament جديد يبقى هنا reproduction

VISIT...

LANZAROTE
Caliente.COM

by sporulation

- لكن في البكتيريا كان فيه سؤال give reason
ليه الـ spore في البكتيريا مش وسيلة replication؟
- ❖ لأن single bacteria بتعمل single spores ل single spore لما تعمل germination
single bacteria ووده مش reproduction لكن في حالة الـ fungus كان في كيس فيه 100 spore
حصل rupture واتكون 100 filament .

الـ metabolism فيه فرقين:

- الفطريات كلها heterotrophs مفهياش autotrophs البكتيريا في كده وكده
والفطريات مفهياش obligate anaerobe خالص بس البكتيريا في عائلات
يمكن تبقى anaerobe زى الـ clostridium والـ bacteroids والـ treponema وحاجات تانيه
لكن الـ fungus عمره ما هتلاقى واحد obligate anaerobe ممكن نعمل عليها سؤال : اخر حاجة في
هذا الشايتر هناخذ جدول الفروق بين الـ bacteria والـ fungal mycotoma :-

واحنا بنزرع

- هقولك لو كانت bacteria ← ازرع anaerobic و aerobic
ولو fungal ← ازرع aerobic
واسالك give reason علشان الـ fungus مفهياش anerobic
في ملحوظتين تحت الجدول نناقشهم

- هو كده البكتيريا كلها معندهاش sterols في الـ cytoplasmic membrane؟
❖ لا في one exception
- الـ mycoplasma هي الوحيدة اللي عندها sterol في الـ cell membrane
طب ليه كان عندها sterol في الـ cell membrane علشان معندهاش cell wall فكان وجود الـ
sterol في الـ cell membrane ← compensate for absence of cell wall
- الملحوظة التانيه: الـ reproduction في الـ fungus قد يكون sexual و asexual
ودي كلمه غريبه شويه هو فيه male & female fungus ؟
لا مفهياش امال ازاى نقول sexual & asexual ؟ على حسب اثناء الـ division حصل mitosis ولا
meiosis
اذا كان mitosis ← يبقى اسمه تكاثر لا جنسي asexual
واذا كان بالـ meiosis ← وده بيحصل في بعض الفطريات فاسمه sexual جنسي

Classification of fungi

بعد هذا الجدول نروح للـ classification of fungi تقسم الفطريات بطريقتين:

clinical calcification -2

الفـ fungus في شكلين أساسيين:

3 - وأشهر مثال للـ mould pinicillum

-وأشهر مثال للـ yeast candida

الـ yeast مش بتعمل hyphae احياناً بتعمل pseudohyphae يعني ايه ؟

يعنى يبقى فيه فى وسط الـ hyphae constrictions وبتبقى عاملة زى السجق كده المتعلق

sausage-like انما لو كان hyphae بحق كان بقي متصل.

طب ممكن الـ fungus بيبقي موجود فى either forms يعني ده او ده ؟

نعم وساعتها هنسميه **dimorphic** خالى بالك دى حالة تالته لكن مش شكل جديد الـ fungus مالوش غير الشككين دول المثال ده حفظ علشان هيتكرر كتير الـ histoplasma ده **dimorphic fungus** لانه

ممكن بيبقى موجود فى الـ room temperature الفطريات معظمها بتفضل فى الـ room temperature

حتى لو عمل infection فى الجسم بيبقي superficial هو متعود على الجو الخارجى مش درجة حرارة

جسم الانسان الداخليه بيبقي شكله الـ filamentous عند درجة حرارة 25° - 30° تقريبا

ولكن ف درجة حرارة الجسم عند 37° او لو اتزرع على enriched media يطلع بشكل yeast cell

فى هذه الحالة طالما الـ fungus يقدر يـ grow كده او كده حسب ظروف درجة الحرارة اقول عليه

dimorphic

الناس بتوع الجلدية مبحوش التقسيمة دى يحبوا التقسيمة الـ clinical الى تنفعهم فى شغلهم:

-اما الـ fungus يعمل الـ infection شخصيا بنفسه

-او اما يطلع toxin

-او بيبنتج عنه حساسيه

Clinical classification

الـ clinical classification بتاع الـ fungus يقسموها **mycotic infection** وزى ما قولنا mycotic يعني

fungal يعني الـ fungus بنفسه هو الى عامل الـ infection

يا اما **mycotoxicosis** يعني الـ fungus يطلع toxin

يا اما **allergic** يعني الـ fungus يعمل حساسية

mycotic infection .A

الـ mycotic infection علشان يدخل الجسم من الجلد بيبقي هيخترق كام طبقه ؟

1. الطبقة السطحية خالص ويبقى اسمه **superficial mycosis**

يعنى بيشمل الـ keratinized tissue او الـ horny layer وفى fungus مشهور بيعمل حاجه كلكوا عارفينها

اللي هو بيبغير لون الجلد لما تلاقي على خد او رقبة او ظهر واحد تلاقي بقعة pink خصوصا لو ابيضاني

او فاتحه او اسمراني تقول ان عنده tenia يعني بقعة على الجلد ده مش معنى الكلمة انما جرى العرف على

تسميتها tenia لكن اسمها pityriasis versicolor الشائع بين الـ clinicians انهم يسموها tenia

versicolor وversicolor يعني عكس و color يعني لون

لو الشخص فاتح تبقي لونها غامق والعكس، الـ fungus عمل تغيير فى لون الجلد بالـ hypo أو الـ

hyper pigmentation بيان فاتح ف الشخص الغامق و غامق ف الشخص الفاتح وده superficial طب لو

دخلنا لجوه شويه وخذنا طبقات الجلد كله

2. اسمه **cutaneous mycosis**

واشهر fungus يعمل كده واسمه على مسمي dermatophytes الفطريات الجلدية
وفى مثال اخر اسهل الـ candida طب لو اعمق شوية من الجلد

3. فى الـ **subcutaneous tissue**

لو وصل الـ fungus للمكان ده يعمل subcutaneous mycosis واشهر مثال هو الـ (mycetoma)
madura foot وهناخده بالتفصيل دلوقتى طب لو دخلنا اعمق من كده يبقى انت كده وصلت لـ deep او
systemic infection

4. لو الفطريات وصلت لـ internal organs تتسمى **deep mycosis**

وتقسم هذه المجموعه لنوعين:

- نوع من الأصل true pathogenic يبيقى اسمهم true pathogenic fungi
زى الـ histoplasma اللي لسه قايلىنه وكان . dimorphic
-النوع التانى انه يكون opportunistic يعنى fungus موجود حوالينا أو يمكن كمان جوه جسمنا فى
الحاله العادية لكن ميعملش infection غير لو مناعتك قلت زى مريض الايدز
والأمثلة زى الـ candida والـ Cryptococcus والـ pneumocystic وهنا احفظ الـ 3 امثلة مش
واحد

بس علشان بتيجى enumerate وكان جه سؤال قبل كده كأنه بيغطى حاجتين:

1.hiv infection 2.mycology

وهقولك الربط بين الحاجتين بس لما ناخذ تفاصيل الفطريات دى الاول .طب ده كده لو mycotic
infection

Mycotoxicosis .B

طب لو بيعمل toxin production يبقى اسمها mycotoxicosis فى 2toxins بتوع فطريات مشاهير جدا فى
حياتنا واحد اسمه **mashroom** اللي هو عيش الغراب لازم تبقوا عارفين ان فيه منه انواع poisonous
وفيه منه انواع بتتباع تتاكل عادى مع المعلبات احذر فى المشروم بالذات انك تشتري معلبات اى كلام
حاجات بير السلم وكده لازم تشتري من شركة معتمده
لازم الـ toxin بتاع المشروم ده بيبقى
1- hepato toxic .
2- Nephrotoxic
3- cause bone marrow depression .

فى toxin تانى شهير فى الفطريات اسمه **aflatoxin**

والبعض بيبتكر ان الكلمة غلط ويصلحها الى alfatoxin هى afla وafلا جاية من اسم الـ fungus
حرف الـ A ← من aspergillus
والـ 3 حروف ← من كلمة flavus
هذا الـ aflatoxin الى جانب الـ 3 اعراض اللي قولناهم ممكن بيبقى carcinogenic

Allergic disorders .C

طب والـ allergic disorders اللي ممكن الـ fungus يعملها خدناها الـ mould والـ **inhalens** اللي ممكن يعملوا atopy الكلام ده **type 1 hypersensitivity** فى 1 vol دى... لما الشخص يinhale dust او moulds يقوم بجيله atopy .. bronchial asthma او fever او ما يعرف ب type 1 hypersensitivity.

Pathogenesis

الحاجات الـ clinical اللي على اساسها بيقسموا الفطريات تعالوا نشوف الـ pathogenesis
اتفضل قول الـ (chapter 19) immunity against fungus :
اما innate او acquired
الـ **innate** ← اهم خلايا تحارب الـ fungus هي neutrophils
يحلل طالع بمنظرين :

1. produce fungicidal substances
2. Engulfment

فهي اقوى جهاز من الـ macrophage طب لو الـ fungus هو اللي اتغلب على الـ innate immunity
ودخل deep زى النوع الـ dimorphic الـ Histoplasma ودى تبقي cell mediated in the form of
الـ fungus الجوه الجسم يعامل معاملة الـ facultative intracellular bacteria بيبقى الـ t-helper هي
اللى تـ active الـ macrophage ممفيش ولا كلمه جديده

الـ Histoplasma اللي بتعمل deep fungal infection بيتعامل معها بان يحصل granuloma formation
يعني **stimulation of T-helper1 → which activate macrophage**.
طب لو pyogenic fungal infection!
الخليه تتصدى له " اللي هي neutrophils"
علل الناس اللي عندها Neutropenia يجيلهم fungal infection ؟
لان الـ neutrophils هي اهم خلية بتحارب الـ fungal infection
لو جه ببقى بيغطي الـ paragraph ده هنا و شابت 19 بتاع الـ immunology.
نروح لـ

How to diagnose fungal infection?

ولا كلمه جديده الفقرة دي كلها قديمه، الـ different methods of diagnosis اللي خدناها قبل كده، اقدر الخصها
ازاي؟
ياما direct او indirect ، الـ direct كان فيها 4 خطوات :
specimen , direct detection ,cultivation & identification
هما هما العناوين اللي عندكم لما بتفشل انك تلاقي الـ fungus او الـ bacteria بـ الـ direct method كده بتروح

للكامير اللي كانت تصور اللي هما B-Lymphocyte & T-Lymphocyte

لو كاميرا B-Lymphocyte شافته ؟

اه شافت ال organism وكونت antibodies يبقى ادور serologically

طب لو ال T-Lymphocyte؟ اه دي لقت ال organism و عملت cell mediated ، ادور ب skin test, ال

specimen هاخده منين ؟

اذا كانت ال fungus بي infect الجلد superficial & subcutaneous طب مهو في الجلد وملحقاته يعني ممكن اخذ

Scraping بضره مشرط و قشرت ينزل scraps من الجلد ومن ملحقاته

الظفر ممكن اخذ حاجه من الاظافر او الشعر

طبيب لو ال fungus وصل deep؟ حسب هو وصل فين!

Lung → sputum

Blood → blood

granuloma → Biopsy

هي دي ال specimen الي ممكن احصل عليها .

ال-direct detection

زي البكتيريا بالظبط اما microscopic examination or detection of the antigen طب لو microscopic؟ اما

stained film or unstained preparation ال unstained preparation كنا بنعملها في البكتيريا عشان نشوف ال motility لكن

هنا بنعملها عشان اشوف تفاصيل ال structure

Filaments /hyphae/ spores /yeasts

طب انا لو واخذ حته من الجلد وصبغتها مش هيبيان تفاصيل هتبقى حته سودا كده من غير تفاصيل عشان keratinized

وال keratin مش بيبين تفاصيل يبقى ادوب ال keratin و انتع ال sample في "potassium hydroxide" 10% KOH

وده سؤال Give reason : ليه بنتنع ال sample in KOH قبل الصبغة ؟

عشان ادوب الكيراتين اللي فيها, طب لو stained preparation اصبغ بايه ؟

ب gram وخذناها في العملي زي ال candida و اشوف ال candida في الفيلم gram +ve يبقى في الصبغتين دي

الحبر الهندي Indian ink السبب الي مخليني اقول على Indian ink انه في organism هناخده حالا بيتصبغ

بالصبغة دي وفي Silver stain

في طريقة اخرى

في ال direct detection غير الميكروسكوب زي ما قولت بالاول:

ادور على ال Ag بتاعه ال fungus in sample كنا دايما ب detect ال capsular antigen في ال CSF في البكتيريا

وكمان يوجد Fungus بيعمل meningitis و capsulated يبقى نور ع ال capsule بتاعه في ال CSF في حاله ال

Fungal meningitis

مفيش اي اختلافات لحد دلقي عن البكتيريا لو فرقت تعمل Direct detection بالحاجات اللي فاتت، دي لو معرفتش

اعمل cultivation الفطريات بتنمو على كذا media لكن ال media المعتمده اسمها مهم جدا

SDA = Sabouraud's Dextrose Agar

حرف ال D في اخر ← silent sabouraud

ال fungus يحب لـ room temp عل؟

عشان هو اصلا معظم اصابته superficial or cutaneous ولذلك دائما ال incubation عند درجه 25→30 c
معظم الفطريات بتحتاج ال Long incubation period ← several weeks
وده الغالبية مش كلهم.

فده كمان سؤال ال give reason والسؤال اطول من الاجابة، في حالة ال dimorphic اللي دائما بيعمل deep or systemic infection يستحب الزرع في درجة 37 على enriched media لان باعتباره dimorphic فهو يقدر يبقى yeast او filamentous يبقى انت عايز fungus بيـ grow في شكل yeast عشان كدة ال identification بتاعه بكون افضل. اللفة طويلة والمهم انك تبقى عارف المعلومه وفاهمها كويس.

لو انت شاكك ان العيان عنده Histoplasma تعمل ايه؟

تزرعه على enriched media في درجه حراره 37 وفي الحالة دي هيطلع على شكل yeast وده افضل في diagnosis الـ

how to identify

ال fungus اللي طلع على ال culture media؟ هبص على ال colony morphology على الوش والظهر وقولنا في bacteriology في ال organism

في ال non-hemolytic و ال hemolytic لما يطلع على ال blood agar بكتيريا non-hemolytic وابص على ظهره
الطبق يتهاى لي انه مفيش growth لكن من وشه هتلاقي colony الفطريات برضه كده بس المرة دي مش عشان ببيان
من ناحية وناحية لا هقولك مثال تفهم بيه حد شاف عن الخبز؟ .. ال pinicillium؟
عن الخبز الي هو ر غيف اتنسى وعن لونه يبقى ايه؟ ابيض؟ اخضر؟ اسود؟

كله صح، ببدا ابيض في اخضر بعدين تلاقيه بقى اسود عشان احنا قولنا في اوله انه Mould يعني بيعمل Filaments
فتلاقي الاول ال colony تبقى دايرة كده وبعدين يخرج منها الشعر ده filaments في اخر بيتعمل كيس اللي فيه
ال spores اللي لونها اسود فتلاقي اللون بتاع الضهر بتاع القاعده بتاعه ال colony غير لون ال filaments و ال spores،
يعني لو زارع على طبق شفاف هتلاقي لون الوش اسود من ال filaments وال spores ولو قلبت الطبق هتلاقي لون
ابيض في اخضر دائما الفطريات ال filaments ليها لون وال colony ليها لون عشان كده بتبقى characteristic

طب و اكتب وش وضهر ازاي؟

تبص على ال surface و ال reverse side خذ جزء من ال colony وافرد واصبغه بال gram ممكن تلاقي
yeast ال candida اللي شفاها اعمل biochemical reaction or DNA probe
مش هتالف طرق جديده بس بعض التفاصيل الزيادة هي اللي ممكن تتسأل give reason.

فشلت انك تلاقي fungus؟

تدور على Ab serologic diagnosis وخلي بالك ال antibody مش هتكون غير ضد ال deep infection،
ال superficial & cutaneous لا
طب ال fungus اللي داخل ممكن ي stimulate ← . antibody or cell mediated يبقى ادور على

tuberculin skin test يشبه ال cell mediated hypersensitivity يعني
 طب هو الامتحان حيقى فيه ؟how to diagnose fungal infection
 عمره ما يجي سؤال واحد زي كده بس انت اقرأه بتركيز وركز على اجابات بتاعة ال give reason اللي جت واحنا
 نشرح.

فاضل كده how to treat fungal infection

وبكدة نبقى خلصنا نص الشابتير اللي هو جزء ال general myology تفضل في الجزء الثاني امثلة اللي هنتكلم عنها
 بالتفصيل

ال treatmet اول سؤال ال give reason: هل ينفع تعالج المرض بال antibiotic؟

لا، ليه؟ عشان مفيش target

اديني مثال ال target بهاجمه بال antibiotics مش موجود في ال fungus؟

ال peptidoglycan استبدل ب chitin، مجموعه من ال antibiotics كانت بتشتغل على ال cell wall بت inhibit

ال peptidoglycan synthesis وهكذا غياب ال target يجعل ال fungus → resistant to antibiotic

انك تلاقي antifungal drug يستخدم systemically في الانسان يتشرب او يتحقن و متبقاش toxic دي حاجه very
 limited & Rare

علل ؟

عشان eukaryotic زي زي البني ادمين.

بص الجملة اللي مكتوبة هتلاقيه بدأ بالاجابة:

because fungi are eukaryote < treatment of non-toxic systemic active anti-fungal drugs is till limited

طب ليه برضه الكلام ده ؟ عشان انت

هتهاجم ال target موجود عندك طب عشان الناس اللي بتسال على دوا يضرب ال fungus من غير ما يضرب البني
 ادمين بنوصف دوا يضرب ال cytoplasmic membrane بتاع ال fungus ليه؟

عشان هنا selective toxicity نوع ال sterol اللي موجود في ال cell membrane بتاع ال fungus من نوع
 ergosterol بينما في البني ادمين من نوع ال cholesterol صحيح الفرق بسيط بس ال target اهو موجود ومعظم
 الادوية بتحبه لمنع ال ergosterol synthesis وتضر ال fungus دون التأثير على ال human او بتاثير limited
 اشهر امثلة الادوية ومحتاجين منك مثال واحد بين.

damphoteracin B, Mycostatin , azole compounds

واحفظ الاسهل ليك، كده خلصنا جزء من الشابتير ده اسمه General Mycology وزى ما اخدنا ال general

bacteriology

ثم اخدنا البكتيريا بالتفصيل.

PITYRIASIS

VERSICOLOR

ده كان فى أنهى مجموعة فى التقسيم؟

فى ال Superficial Mycoses

قولي account عليه؟ هم 3 جمل

اسم ال fungus ← **Malassezia furfur** بيصيب ال superficial horny layer of the skin

اللى هي ال keratinized layer اللى فوق خالص

ايه اللى بيحصل ← يعمل hypo or hyper pigmentation يعنى العيان هتشوف عنده بقع، إذا كان العيان

dark skin individual تلاقي البقعة فاتحة hypopigmented وإذا كان أبيضانى تلاقي البقعة pink شوية

hyperpigmented

أشهر الأماكن ← الأماكن الظاهرة اللى ال fungus ممكن يوصلها زى ال trunk و sides of the neck تلاقي

جدا فى الرقبة أو فى ال upper part of trunk بيكون فيه البقع الملونة ديه.

هل هي بتعالج؟

آه بتتعالج طبعا، بالعكس ديه بتتعالج بسهولة لأن ال drug هنا مش هيبقى toxic

لأنه applied locally، الكريمات والمراهم اللى antifungal بتستخدم safely لإنك مش بتبلعها

DERMATOPHYTES

ده كان فى أنهى مجموعة فى التقسيم؟

قولتك Derma يعنى ايه؟ يعنى جلد، يبقى تبع ال Cutaneous mycoses

ال Dermatophytes فيه منها 3 genera أساميهم صعبة عليكم مش مهمة، اقرأ كده أساميهم لقطهم كان بها

ملقطهمش مش هنطلبهم منك، اسمهم Microsporum، Trichophyton،

Epidermophyton ← Epidermo يعنى جلد، phyton يعنى fungus ← يعنى fungus الجلد

احفظ ده سهل Epidermophyton

بنصاب بيهم منين يعنى ينتقلوا لك منين؟

من بني ادم، من animal، من ال environment، يعنى ممكن شخص يعديك أو ال fungus يبقى عند

animal أو يبقى فى ال environment، 3 مصادر للعدوى

طالما Cutaneous يبقى هيصيب إيه فى جسمك؟

الجلد وملحقاته يعنى الجلد والظفر والشعر

ازاى ينتقل؟


ينتقل ب direct or indirect contact وهنا بنبهمك لحاجة مهمة أوى بعضنا بيبقى فرحان بيها ويقولك يسلام والله الأجانب دول عندهم روح رياضية محصلتش وهو بيتفرج على أي ماتش فى دوري من الدوريات الأوروبية ويلاقهم بعد لما الماتش يخلص الغالب والمغلوب يسلموا على بعض ويتبادلوا ال T-shirts، اللي خد التيشيرت يروح يلبسه تخيل بقى يحصل إيه؟ تيشيرت فيه عرق وممكن يكون اللاعب ده عنده fungal infection خصوصا إن الرياضيين أكثر ناس بتجيلهم fungal infection بسبب العرق لأن ال fungus يحب المناطق ال moist، ده كمان فيه حاجة اسمها athlete's foot قدم الرياضيين لأن رجله فى الكوتشى والشراب طول النهار فرجله بتعرق فبين صوابه يبقى عنده fungal infection وكمان تحت الإبط يطلع عندهم fungal infection، ده مثال لل indirect contact
أمال ليه فى البيت فى الغسالة بنحط الهدوم و معاها منظف أو disinfectant مهو علشان نمنع انتقال ال fungus من شخص لشخص .

ال lesion بتاع ال Dermatophytes بيبقى شكله إيه؟

يبقى حاجه غريبة شويه، الأول بيبدا superficially ثم extend للخارج peripherally، بصوا أنا هرسم فتابعوا معايا الشكل ده علشان تعرفوا وصل لكده ازاى
لو ال lesion بدأ دايرة صغيرة ثم يمتد للخارج يعنى الدايرة عمالة توسع لكن فى نفس الوقت بيحصل healing فى ال center، فأننا همسح ال lesion فى نصه رجع بقى normal skin، يعنى ال lesion بقى شكله إيه؟
بصوا لو رسمت دايرتين علشان تتخيلوا ببقى ومسحت من جوه ببقى جوه الخططين normal skin وبره الخططين normal skin فال lesion بقى حلقة ring وكانوا فاكرين زمان إن سببه ديدان فاتسمى ringworm كأنها ديدان عاملة حلقات infection

لو سألك الممتحن give reason هو ليه ال infection بتاع Dermatophytes اسمها ringworm؟
يبقى كأنه طالب منك تشرحه البراجراف ده

being superficial ,extends radially and heals at the center to form a circular lesion



أنا معنديش تأكيد للمعلومة اللي هقولها لك ديه جازي يكونوا افتكروا إنها tinea ديدان يعنى وهى worm فسموها tinea والله أعلم بس أنا عايزك تحفظها بإنك تربطها بكده worm دودة وال tinea من الديدان فراخوا سموها tinea

دكاترة الجلدية مش بيحبوا يسموها Dermatophytes ولا ringworm بيحبوا يسموها tinea وعلى حسب مكانها يضيفوا على كلمة tinea المكان ال anatomical يعنى

1- لو حصلت فى الرأس، أحياناً الواحد يجيله ال tinea ديه فال scalp يقوموا يسموها

Tinea capitis حيث رأس يعنى capital

2- لو بين الأصابع يسموها **Tinea pedis** ، ال athlete's food أهيه قدم الرياضيين اللي طول النهار فى العرق تعمل fungus بين الصوابع

3- لو حصلت فى الظفر يسموها **Tinea unguinum** حيث unguinum يعنى nail

على فكرة الكلمات ديه لاتيني أو greekly وده الانجلش بتاعها يعنى

capitis ← scalp ، pedis ← foot ، unguinum ← nail ، circinata ← non-hairy skin زى الظهر

cruris ← groin عند الفخذ كده علشان برده moist وال fungus بيحب الأماكن ال moist ،

barbae ← bread يعنى فى الدقن

اشمعنا ال **lesion** بي heal فى النص؟

لأن ال immune system عقبال ميتغلب على الحتة الأقدم الأول يكون ال disease بدأ يعدى الحتة الجديدة

CANDIDIASIS

ديه كانت فى أنهى مجموعة فى التقسيم؟

كانت برده فى ال Cutaneous mycoses مع Dermatophytes

مين ال **candidiasis** بقى؟

خدوا بالكم له اسم تانى ممكن أسألك بيه وهو **moniliasis**، مش معقولة اجى أقولك مين ال causative

organism بتاع ال candidiasis كاني بغششك، لأ هاجي أقولك مين
 ال causative organism بتاع ال moniliasis
 ال most common organism اسمه **Candida albicans**، طب ليه بتقول most common هو فيه
 Candida أخرى؟ نعم بس مش مطلوب تحفظ أساميهم

أين توجد ال **Candida albicans** في جسمنا؟

female genital system، GIT، oral cavity
 واحد يقولى وأنا هعرف منين؟ عدت علينا قبل كده في ال superinfection لما بنتاول antibiotic يموت
 ال flora بيحي resistant organism ويعمل infection بديل ال flora، في ال oral cavity كان بيعمل
 oral thrush وفي ال vagina يعمل vulvovaginitis (volume 1 page 29)

Predisposing and clinical manifestations of candidiasis

- سؤال جه enumerate قبل كده
 مش ال Candida موجودة في ال intestine، vagina، oral cavity أمال ليه مش بتصيبنا كلنا؟
 لأنه organism ضعيف عايش في وسط flora محترم نفسه عايش في حاجة اسمها biological balance
 علشان كده لابد إن الشخص اللي يجيله Candida عنده predisposing factors زي—
 1. شخص diabetic
 2. ال superinfection اللي لسه قابله
 3. steroid therapy (immunosuppressive)
 4. أو واحد جاله immunodeficiency أو immunosuppression لأي سبب زي مثلاً جاله AIDS، إحنا
 قولنا مريض الإيدز لما يوصل المرحلة الأخيرة يجيله opportunistic infections زي ال Candida
 5. ال organism بيحب ال moisture يبقى الست اللي إيديها في الميه طول النهار بتغسل مواعين وتغسل
 هدم وتنتشر فمعرضه إنه يجيلها Candida في الطوافر أو بين الصوابع .
 during pregnancy بيحصل hyperemia في منطقة ال pelvis وبالتالي ال vaginal secretions بتزيد وده
 يشجع ال Candida لأنها تلاقى جو moist فتعمل candidiasis في ال genital system .
 برده ال old age بيبقى ال immune system بتاعهم compromised

Clinical features of candidiasis

جه enumerate قبل كده
 قلنا موجود في أنهى كاتجورى في ال classification؟ في ال Cutaneous وكمال في ال systemic

A. Cutaneous

يبقى هتصيب إيه؟ skin and mucous membranes، ادینی أمثلة—

1. oral thrush

2. **vulvovaginitis** دول ال superinfection اللي قلنا عليه زمان

3. طيب والست اللي إيديها فى الميه يجيلها **paronychia** يعنى Candida فى الظوافر أو **interdigital** بين الأصابع

4. الطفل الصغير اللي بيبقى مقلب بيبقى عنده skin folds (تنيات) ويحطوه فى البامبرز ويسببوه طول النهار لما يجوا يقلعوه البامبرز فى آخر اليوم تلاقى فى ال skin folds بين التنيات بتاعة الجلد بقى فيه infection تلاقىها ملتهبة ومحمرة،ليه؟ سابوا الجو moist وال faeces اللي خارج مليون Candida مش ال Candida بتعيش فى ال intestine فلقت الجو moist ولقت skin fold فقدرت ت grow براحتها وده بيتسمى **diaper rash** (ال diaper ده الاسم العلمي للبامبرز)

5. النقطة ديه بتيجى give reason ليه الشخص اللي عنده T-cell deficiency يجيله Candida عند ال

fissure بين ال skin وال mucus membranes يسموها **mucocutaneous candidiasis**؟

ليه الشخص اللي عنده T-cell deficiency يجيله **mucocutaneous candidiasis** ؟

لأن ال organism بيعامل معاملة ال intracellular bacteria فال immune response ضده يكون T-Cell فلما ال T-Cell يبقى فيها defect يزيد ال candidal infection فى ال mucocutaneous.

B. Systemic

تروح ال lung تروح ال kidney تروح مطرح مهي عايزة، طب ليه مش بتعملنا رغم وجودها فى جسمنا؟ لأنها محتاجة الشخص يكون immunocompromised يعنى يكون immunosuppressed أو عنده cancer أو عنده TB يبقى مناعته بدأت تقل تقوم ال Candida تغزو وتعمل systemic

Laboratory diagnosis

واحد من أشهر أسئلتنا فى هذا الشايتز how to diagnose candidal infection ؟

1. **specimens** ← على حسب الأماكن اللي قولنا عليها فى ال infection يعنى قد يكون من

ال mouth أو skin أو vagina أو sputum حسب ال Candida وصلت فين .

2. **direct detection** ← بنصبغ بال gram ونوصف زى فى العملي، gram positive وكانت large

oval or rounded cells وكان فيها budding وأحيانا pseudohyphae (اللى عامله زى السجق)

Cultivation

ال candida albicans تقدر ت grow على أى media يعنى nutrient agar ينفع blood agar ينفع لكن فى media اصلا قلناها من شوية the selective media for fungi اسمها Sabouraud's dextrose agar (SDA)

إليك معلومة هامة ثم سؤال يفضل انك لما تيجى تزرع ال Candida على ال SDA انك تضيف على ال SDA Chloramphenicol هام ضرورى جدا علل ؟ عشان لو بصيت لل sample هتعرف الإجابة ، ال sample اللي باخدها عشان أدور على ال candida بتبقى usually فيها flora ، فإنك تكون واخذ مسحة من الجلد مهو

ده عليه flora أو مسحة من ال oral cavity فهو فيها flora , واخذ sputum فهو فيها flora , واخذ من vagina مسحة فهو فيها flora , طالما فى bacteria طب هو مين بي grow أسرع ؟ ← ال bacteria طب انت لو زرعت sample فيها bacteria و fungus و ال bacteria هت grow أسرع مش هتدى فرصة لل fungus انه يgrow فعلشان أوقف ال bacterial growth لازم أحط antibiotic يكون broad spectrum زى ال chloramphenicol , السؤال ده بيبجى شفو

طب استنى يوم يومين و أبص على شكل ال colony مش كلمة candida ده yeast cell و كلمة yeast بالعربى يعنى خميرة اربط بقى يعنى ال colony بتاعته ليها علاقة بكلمة خميرة يعنى ال yeasty و الخميرة بنحطها فى العجينة , ال colony ← pasty عاملة زى العجين و لونها زى لون العجين creamy white يعنى القصة علشان تبقى قريبة لذهنك خميرة و عجينة

سؤال بيبجى كل سنة بس بطرق مختلفة مرة يقولك ال diagnosis على بعضه و مرة يقولك compare بين ال candida albicans و ال candida other و مرة بقى قال mention one test to differentiate between

1-staph, strept → catalase

2-staph aureus , staph epidermidis → coagulase

3- vibrio , aeromonas → string test

طب candida albicans و other candida فى طريقتين أميز بيهم ال candida albicans عن بقية ال candida

1- لو حطيت ال candida albicans على serum و سبيتها ساعة ساعتين هتلاقيها فرحانة أوى لأن ال serum ده حاجة enrichment أوى بالنسبها , و من فرحتها هتعمل hyphae هتعمل حاجة اسمها germ tube , ال candida تبقى مدورة كده و طالع منها زى tube طويلة كده دول true hyphae مش pseudo hyphae من فرحتها لما شافت ال serum عملت ال hyphae دى لكن بقية ال candida ميقدروش يعملوا المنظر ده

2- لما جينا حطينا ال candida albicans على media عبارة عن عجين و بس corn meal agar جينا دقيق ذرة و عملناه فى شكل زى nutrient agar كده فلما ال organism اللى هو ال candida لما يgrow عليها يقولك ايه ده دول مش محترمنى و لا إيه دول عازمنى على medium و كأنهم عازمنى على عيش حاف بس عجين ذرة كأنك جبت عجين ذرة و عجنته يعنى كأنك عزمت واحد و رحت حاطط العيش على السفرة و بس

عشان يبقى عيش و ملح , إيه ياعم ده انت مش عاملى احترام جايلى عيش بس فال organism يحبط , فلما يحبط يتحوصل يقولك و الله ما أنا عامل growth عشان هم مش محترمنى مش ه grow و يعمل حاجة اسمها chlamydospores بعنى spores ليها thick wall و هو يعد جوه dormant و resting شفتوا غضب لانك محترمهموش حد يجيب ل organism دقيق و عجيب و بس !!!

فلما أحطله media ضعيفة كده توقف عن ال growth فيعمل ال chlamydospores و ال organism يبقى جوه ال spore قاعد resting , ال candida albicans تعمل كده لكن ال other candida متعملش كده يبقى عندك اختبارين ممكن تميز بيهم ال candida albicans عن ال other candida , فبصوا كده حنة ال diagnosis دى مليانة أسئلة

- 1- give an account on the laboratory diagnosis of candida ?
 - 2- compare between candida albicans and other candida ? mention two differences
 - 3- give reason why adding chloramphenicol on SDA during culture?
- هذا الشابتز وزنه فى الامتحان 5 درجات يمثل branch لوحده ال mycology فى منهجنا عليه 5% يبقى 5 درجات سهل أوى فاضمنهم

ASPERGILLOSIS

Aspergillus سمعتوا عنه انه ارده ال aspergillus flavus كان بيطلع aflatoxin , ال aspergillus فى منه 3 species أساميهم عندك aspergillus niger , aspergillus flavus , aspergillus fumigates طب أنا أحفظ اسم واحد فيهم أو كلهم هم سهلين , طب ال aspergillous ممكن يعمل واحد من أربعة clinical forms أو presentations مرض من 4

أول ما حفظت اللي اسمه aspergillus flavus انت عرفت 2 من 4 تيجى نستنتجهم
Aspergillus flavus خدنا ال A و ال fla طلع عندى كلمة aflatoxin بعنى ممكن يعمل mycotoxicosis يقوم يؤثر على ال liver أو carcinogenic أدى مرض اهو أدى واحد ,
aspergillus ده mould بعنى فطريات خيطية منتشرة فى الهواء ممكن لما استنشقه تعمل allergy أدى 2

اهو

ال aspergillus ده ضعيف ليه انت سمعت حد جاله aspergillous infection رغم انه موجود فى الهوا دلوقتى و احنا قاعدين و انت عمال تاخد aspergillus و تطلع aspergillus أو مال ليه معملكش infection لأنه opportunistic ضعيف

أومال امتى بقى يعمل infection

لو لقي cavity جاهزة يقوم يعمل non-invasive infection يخش يقولك الله cavity اهو و مفيش

immune system يعمل infection هنا يخاف ي invade

طب امتى ي invade لو لقي المناعة واطية يعنى يعمل invasive infections

خد بالك ال organism و ال spores بتاعته منتشرين فى الهوا بناخداهم by inhalation يعملك حاجة من 4

1- allergy يعنى type I hypersensitivity , bronchial asthma او fever.

2- non-invasive infections حاجة اسمها aspergilloma يعنى fungus swelling كده بس ده بيكون جوه preexisting cavity هو مبيتعيش و يعمل cavity , هو دخل by inhalation لقي cavity يروح عامل فيها infection و يبقى non-invasive.

3- ياما بقى يلاقى ال host ضعيف يقوم ي invade زى immunocompromised host ي invade و يوصل deep

4- ياما يطلع toxin اللى هو ال aflatoxin و يعمل mycotoxicosis اللى هو لسه قابلين عنه انه carcinogenic و hepatotoxic

CRYPTOCOCCOSIS

ال cryptococcus هو تانى أهم موضوع فى هذا ال chapter يشبه ال candida فى انه yeast و طالما yeast ببقى large oval or round و بي replicate by budding و يفرق عن ال candida انه capsulated حواليه thick gelatinous capsule , موجود فى ال soil اسمه cryptococcus neoformans مهم جدا ذاكره كويس أوى , بيوصل لل soil من ال faeces أو ال excreta بتاعة الطيور و خصوصا الحمام , اللى مربى طيور أو حمام ينتبه , ال organism بيبقى موجود فى ال GIT بتاعتهم و بي replicate و يخرج مع ال excretions بتاعتهم , طب و ال excretion دى لما تجف و تنشف و انت بقى تنضف القفص للعصافير للحمام للطيور عامل زى مرض خذناه قبل كده هسألکم عليه حالا , يقوم ال organism يتناثر فى الهوا و بناخده by inhalation الكلام ده قولناه فى ال chlamydomytila psittaci ← psittacosis

نرجع هنا العيان يجيله حاجة اسمها cryptococcosis pneumonia طب ماذا لو العيان مناعته ضعيفة يقوم ال organism كده يخرج فى ال lung وخذوا بالكوا انه capsulated أدى اهو ال fungus الوحيد اللى capsulated , أدى ال fungus راح خارج من ال lung على ال blood stream ليه مهاجموش ال phagocytes عشان capsulated فال capsule هنا هتلعب دور مهم كأنها virulence factor يفضل ي invade لحد ما يوصل لل meninges و يعمل حاجة اسمها cryptococcal meningitis

Laboratory diagnosis

تانى أشهر diagnosis فى هذا ال chapter بنطلبه منك بعد ال diagnosis بتاع ال candida هو diagnosis of cryptococcal meningitis

Specimens

ايه ال sample اللى هتاخذها فى meningitis أكيد ايه CSF , طب لو كانت pneumonia هتاخذ sputum

Direct detection

عملت centrifugation و خدت ال deposit بتاع ال CSF و صبغت و بصيت هشوف المنظر ده large oval yeast cell with budding و حوالها thick gelatinous capsule بنصبغ بال Indian ink بالحبر الهندى * بندور على ال capsular antigens فى ال CSF، دايما بنقولها فى أى meningitis، لما يكون فيه meningitis وعالز تشخيص سريع بدور على capsular antigens فى ال CSF ب latex agglutination

Culture

نزرع على SDA agar، نحط chloramphenicol ولا لا ؟ لا ليه؟ لأن ال CSF بيكون sterile

سؤال علل ليه بنحط chloramphenicol على SDA إلا فى حالة Cryptococcosis؟

لأن ال CSF بيكون sterile مفهوش flora عايزه أموتها

علل ليه ال colonies بتطلع mucoid؟

علشان ال thick gelatinous capsule تخلق ال colony تطلع mucoid ، زى مين فى البكتيريا؟
Zy ال Klebsiella

Identification

بال morphology ← large oval cells with budding and capsule
أو بال urease test ← urease positive

بص هذا ال organism أقرب للبكتيريا ←

* بيطلع mucoid colonies زي ال klebsiella

* عنده capsule زي البكتيريا اللي بتعمل meningitis

* urease positive زي ال proteus

قولى أشهر تلاته organisms عدوا عليا فى volume 2 بيكونوا urease positive ؟

1. Proteus

2. H.pylori بتتسوها مع إن ده ال virulence factor اللي بيساعدها تعيش فى ال stomach

3. Cryptococcus

PNEUMOCYSTIS

دايما باصيلنا فى حاجتنا ، البارا بيقولوا على ال pneumocystis إنه protozoan ولكن باستخدام ال molecular method اللي هى أقوى دليل دايما... بدراسة ال genome تم إثبات إن ال pneumocystis تتبع ال fungus وليس protozoan

بي infect الناس إزاي؟ by inhalation لأنه موجود فى الطبيعة وبص كده بيقولك by the age of four ، فيه أمراض كتير بيقولوا فيها by age of four ، اشمعنا؟ لأن ده سن نزولك للمجتمع بتنزل الحضانة وتختلط بالمجتمع فأهلا بالعديد من ال infections ال pneumocystis بتصيب الناس كلها و كلكوا كدة ، كلنا واحنا قاعدين اهو عندنا pneumocystis فى ال lung لكن متبقاش manifested الا لو حصل immunosupression وأشهر ارتباط بال pneumocystis مرضى ال HIV ، مرضى ال HIV اللي بيوصلوا لمرحلة الايدز يبقى manifested وبيجي له atypical pneumonia هو كتابنا مقالش هى typical ولا atypical بس انا قولت هالك أهو ، بس هو قالك انها بتعمل interstitial يعنى (atypical)

سؤال ما ال most common fungal infections اللي بتحصل فى مرضى ال AIDS

اذكر 3 ايه هما بقى؟؟

1. candida ماشى

2. pneumocystis

3. cryptococcus

كدة ال 3 fungus دول اتجمعوا مرتين ، ارجع لل classification قولنا ال clinical classification راح ذكر ال opportunistic راح ذكر ال 3 دول ، ولو رحت ل chapter3 vol3 ال HIV تلاقى المريض اما يوصل لمرحلة ال AIDS يجيلوا opportunistic infection وال example ذكر فى ال fungus ذكر نفس ال 3 ال candida ، ال cryptococcus ، ال pneumocystis دول أشهر 3 fungus يصيبوا مريض ال AIDS ، السؤال ما خلصش قام قالك mention the laboratory diagnosis to one of them خذ أى حاجة واحدة، لكن دا الطالب الذكى هو اللي خذ ال pneumocystis عشان هى كلمتين وخذ الدرجة كاملة ، قال ال organism ده مبيتزر عرش و بتفرج عليه بال direct microscope after staining with silver stain

وأشوف ال morphology اللي أنتوا ما قولتهوليش .

لكن في خلاف حصل ما بينا في اسم ال organism بتوع ال para بيسموه pneumocystis carinii هما لسه محتفظين بالاسم القديم ال carinii دي طلعت مش هي اللي بتصيب البنى ادمين دول بيصيبوا ال rodents لكن اللي بتصيب البنى ادمين اسمها jiroveci ودا الاسم الجديد بتاع ال type human أما ال carinii ده اسم قديم بتاع ال organisms اللي بيصيب ال rodents .

**آخر حاجة في هذا ال chapter ال mycetoma احنا عارفينها ، ايه ال mycetoma دي؟؟ هي ال Madura foot أو ال Madura mycosis ، myce هي ال organism أو ال bacteria لما بيتفرع ويطلع أفرع كدة بيبقي اسمه myce وكأنه عمل شبكة من الخطوط عمل (oma granuloma) فسموها mycetoma ، ولما ذا سميت Madura foot؟؟ علشان Madura دي اللي هي مدينة في الهند ، في الهند في low social economic standard الفقراء كثير والحفاة كثير ف ال organisms موجودة في ال soil يدوسوا على مسمار ولا حاجة sharp ، ينمو superficial وعشان كدة سموه المرض اللي بيصيب قدم الناس اللي عايشين في Madura والسؤال هو : هي ما مبتحصلش في الجلد أو بالذات في الرجل ؟ لا الرجل هي الأشهر ، طب لو واحد فقير ولا شحات بس مش ماشي على رجله (مقعد) يعني بيمشي على ايديه وال buttox بتاعته ما هو ممكن تيجي في ال buttox ، أي حاجة بتلمس ال soil من الجسم وتجرحها بحاجة superficial وتدخل الجسم فتهتاعني العته دي من المرض وهو ايه اللي هيحصل بالضبط ؟ هيحصل granuloma وبعدين pus أو multiple abscess وهيفتح على ال surface أو multiple sinuses ويطلع pus فيه granulules وال granulules دي للتسهيل ، بتقولوا sulphur granules لأن كل الحالات بتبقى sulphur واسمها sulphur لأن لونها بيبقى أصفر .

* ايه ال causative المسبب لل mycetoma ؟ والله بقى فيه fungus وفيه bacteria ركز بقى معايا ، علشان كدة ال mycetoma نوعين actinomycotic اللي هي ال bacterial وال euomycotic يعني اللي بقت true اللي هي fungus ، it is important to know this mycetoma is caused by bacteria or fungus ، fungus أه مهم جدا لأن دا هيفرق في ال treatment وهيفرق في ال prognosis اذا كانت bacteria هتعالج بالـ antibiotics وال prognosis هيبقى كويس ، لكن لو كانت fungus مش هينفع ال antibiotics ومحتاجين surgery وقد نصل الى amputation في بعض الأحيان .

وصلنا لآخر جدول عندنا ، ازاي نقارن بين ال fungal وال bacterial mycetoma ؟؟ في ال causative organism احفظ مثال واحد بس ، احفظ ال nocardia brasiliensis احنا قولنا قبل كدة و ف ال fungus اسمها سهل اوى ... madurella mycetomatis . ، اللون بقى مهم ال sulphur بنكتبها لما بيكون لونها أصفر في حالة البكتيريا انما ف ال fungal لونها ابيض و اسود ، ف ال microscopic examination في الحالتين هشوف filaments .

نروح لل culture هتلاقى 3 فروق في ال culture ، بزرع ال bacteria على ال blood agar لكن ال fungus فعلى ال SDA ، البكتيريا عند 37 درجة لكن ال fungus قولنا بيحب ال room temperature درجة حرارة الغرفة عند 25 أو 30 ، هنا ال aerobic & anaerobic incubation في البكتيريا ، لكن ال fungus بيبقى aerobic بس عل؟؟ الكلام من هنا والاجابة في الجدول الأولاني وذلك لأن مفيش anaerobic في ال fungus هزرع anaerobically فيه ، وأخيرا ماذا عن ال chemotherapy في حالة ال bacteria نعم انه

effective ، فى حالة ال actinomycetoma ولكن للأسف مش effective فى حالة ال euomycetoma اللى
هى fungal وهنلجأ ل surgery وقد نلجأ ل amputation